



# ლანჩხუთის მუნიციპალიტეტის საკრებულო



წერილის ნომერი: 31-31232373  
თარიღი: 25/08/2023

ადრესატი:

ბესიკ ტაბიძე  
ლანჩხუთის მუნიციპალიტეტის საკრებულო-საკრებულოს თავმჯდომარე

## ლანჩხუთის მუნიციპალიტეტის საკრებულოს ფრაქცია „ერთიანი ნაციონალური მოძრაობის“ სხდომის ოქმი N 5

ქ. ლანჩხუთი

23.08.2023 წელი

14:00 საათი

**სხდომას ესწრებოდა:** ფრაქცია „ერთიანი ნაციონალური მოძრაობის“  
თავმჯდომარე: **კახაბერ ასკურავა.**

ფრაქციის წევრები: **გიორგი გოგუაძე, გივი ცინცაძე.**

**სხდომას ესწრებოდა მოწვეული სტუმრები:** მერიის ადმინისტრაციული და სამართლებრივი უზრუნველყოფის სამსახურის უფროსი **შოთა ჩაგუნავა**, მერიის ქონების მართვისა და სოფლის მეურნეობის სამსახურის ქონების მართვისა და სოფლის მეურნეობის განყოფილების უფროსი **ვარდენ კვაჭაძე**, ლანჩხუთის მუნიციპალიტეტის ა(ა)იპ „სკოლამდელი საგანმანათლებლო-სააღმწრდლო ცენტრის“ ხელმძღვანელი **ნატა კობალავა**, ლანჩხუთის მუნიციპალიტეტის მერიის ინფრასტრუქტურის, სივრცითი მოწყობისა და ეკონომიკის სამსახურის უფროსის მოვალეობის შემსრულებელი **ალეკო კირვალიძე**, ლანჩხუთის მუნიციპალიტეტის ზედამხედველობის სამსახურის მუნიციპალური ინსპექტირების განყოფილების მესამე რანგის მეორე კატეგორიის უფროსი სპეციალისტი **მიხეილ სადრუჟიანიცი**, მუნიციპალიტეტის საკრებულოს აპარატის საორგანიზაციო განყოფილების მთავარი სპეციალისტი საზოგადოებასთან ურთიერთობის საკითხებში **ლაშა სარჯველაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ხათუნა ვადაჭკორია**.

**ფრაქციის სხდომის თავმჯდომარემ, კახაბერ ასკურავამ სხდომას გააცნო დღის წესრიგის პროექტი:**

1. „ლანჩხუთის მუნიციპალიტეტის - განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვისთვის შესახებ.

**/მომხსენებლები: კახაბერ ასკურავა; შოთა ჩაგუნავა/**

2. „საქართველოს კანონით „საქართველოს ადმინისტრაციულ სამართალდარღვევათა კოდექსი“, საქართველოს კანონით „ნარჩენების მართვის კოდექსი“ და საქართველოს ორგანული კანონით „საქართველოს საარჩევნო კოდექსი“ გათვალისწინებულ ცალკეულ სამართალდარღვევაზე საჯარიმო ქვითრის – ადმინისტრაციული სამართალდარღვევის ოქმის ფორმის შედგენის, გამოყენებისა და აღრიცხვა-ანგარიშგების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

**/მომხსენებლები: კახაბერ ასკურავა; შოთა ჩაგუნავა/**

3. „ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის დებულების დამტკიცების შესახებ“ ლანჩხუთის მუნიციპალიტეტის საკრებულოს 2022 წლის 28 ივნისის N30 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

**/მომხსენებლები: კახაბერ ასკურავა; შოთა ჩაგუნავა/**

4. „ლანჩხუთის მუნიციპალიტეტის საკუთრებაში არსებული მოძრავი ქონების, შპს „ტურიზმისა და სოფლის მეურნეობის ხელშეწყობის ცენტრისთვის“ პირდაპირი განკარგვის წესით, სარგებლობის უფლებით უსასყიდლოდ გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

**/მომხსენებლები: კახაბერ ასკურავა; ვარდენ კვაჭაძე/**

5. „ლანჩხუთის მუნიციპალიტეტის საკუთრებაში არსებული ქონების, სს „სილქნეტისთვის“ (ს/კ 204566978) პირდაპირი განკარგვის წესით, სასყიდლიანი სარგებლობის უფლებით გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

**/მომხსენებლები: კახაბერ ასკურავა; ვარდენ კვაჭაძე/**

6. სხვადასხვა საკითხები

დღის წესრიგის პროექტის მიმართ ფრაქციის წევრების მიერ შენიშვნები არ გამოთქმულა.

**ფრაქციის თავმჯდომარემ, კახაბერ ასკურავამ კენჭი უყარა დღის წესრიგის პროექტს:**

**მომხრე 3; წინააღმდეგი არცერთი.**

**დღის წესრიგის პირველი საკითხი:** „ლანჩხუთის მუნიციპალიტეტის - განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააგნო მერიის ადმინისტრაციული და სამართლებრივი უზრუნველყოფის სამსახურის უფროსმა **შოთა ჩაგუნავამ**. მან განმარტა, რომ ზემოაღნიშნული დადგენილების მიღებით ძალადაკარგულად ცნადდება „ლანჩხუთის მუნიციპალიტეტის - განათლების ხელშეწყობის, კულტურის ხელშეწყობის, სპორტის ხელშეწყობისა და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 29 იანვრის N1 დადგენილება. დადგენილების პროექტის წარმოდგენილი სახით მიღება,

საშუალებას იძლევა წახალისდეს ლანჩხუთის მუნიციპალიტეტის საჯარო, კერძო და სახელოვნებო სკოლების წარმატებული პედაგოგები. ასევე, ხელოვნების სხვადასხვა დარგის ინდივიდუალური შემსრულებლები, ხელოვნების წარმომადგენლობები, შემოქმედებითი დასების ხელმძღვანელი პირები, სხვადასხვა ნომინაციებში გამარჯვებული ახალგაზრდები, გრანპრის, ოქროს, ვერცხლისა და ბრინჯაოს მედალოსანი ლაურეატები. აღნიშნული პროექტის ახალი ვერსია ითვალისწინებს და აზუსტებს, როგორც ჯილდოს მიღების, ასევე, პროექტების თანადაფინანსების მისაღებად წარმოსადგენი დოკუმენტების ჩამონათვალს. პროექტის მიღება არ გამოიწვევს ადგილობრივი ბიუჯეტის შემოსავლების ზრდას და გამოიწვევს ადგილობრივი ბიუჯეტის ხარჯების ზრდას, რაც უკვე გათვალისწინებულია მუნიციპალიტეტის 2023 წლის ბიუჯეტის შესაბამის მუხლებში.

**სხდომის თავმჯდომარემ, კახაბერ ასკურავამ კენჭი უყარა დადგენილების პროექტს.**

**მომხრე 3; წინააღმდეგი არცერთი.**

**დღის წესრიგის მეორე საკითხი:** „საქართველოს კანონით „საქართველოს ადმინისტრაციულ სამართალდარღვევათა კოდექსი“, საქართველოს კანონით „ნარჩენების მართვის კოდექსი“ და საქართველოს ორგანული კანონით „საქართველოს საარჩევნო კოდექსი“ გათვალისწინებულ ცალკეულ სამართალდარღვევაზე საჯარიმო ქვითრის – ადმინისტრაციული სამართალდარღვევის ოქმის ფორმის შედგენის, გამოყენებისა და აღრიცხვა-ანგარიშგების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის ადმინისტრაციული და სამართლებრივი უზრუნველყოფის სამსახურის უფროსმა **შოთა ჩაგუნავამ**. მან განმარტა, რომ ზემოაღნიშნული ცვლილების საფუძველია „საქართველოს ადმინისტრაციულ სამართალდარღვევათა კოდექსი“-ს 209<sup>3</sup> მუხლის პირველი და მე-3 ნაწილებით გათვალისწინებული ცვლილებები, რომელიც ამოქმედდა 2023 წლის 1-ლი აპრილიდან. ნორმატიული აქტით მტკიცდება საჯარიმო ქვითრის - მკაცრი აღრიცხვის დოკუმენტის ფორმაც, რაც ენობრივი სისწორის თვალსაზრისით შეთანხმებულია საქართველოს განათლებისა და მეცნიერების სამინისტროსთან.

ზემოაღნიშნულის გათვალისწინებით, მიზანშეწონილია საკრებულომ ელექტრონული შტამპი განიხილოს და მიიღოს ლანჩხუთის მუნიციპალიტეტის მერიის ადმინისტრაციული და სამართლებრივი უზრუნველყოფის სამსახურის, სამართლებრივი უზრუნველყოფის განყოფილების მიერ მომზადებული შესაბამისი ნორმატიული აქტის პროექტი. პროექტის მიღება გამოიწვევს ადგილობრივი ბიუჯეტის შემოსავლების ზრდას და არ გამოიწვევს ადგილობრივი ბიუჯეტის ხარჯების ზრდას.

**სხდომის თავმჯდომარემ, კახაბერ ასკურავამ კენჭი უყარა დადგენილების პროექტს.**

**მომხრე 3; წინააღმდეგი არცერთი.**

**დღის წესრიგის მესამე საკითხი:** „ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის დებულების დამტკიცების შესახებ“ ლანჩხუთის მუნიციპალიტეტის საკრებულოს 2022 წლის 28 ივნისის N30 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის ადმინისტრაციული და სამართლებრივი უზრუნველყოფის სამსახურის უფროსმა **შოთა ჩაგუნავამ**. მან განმარტა, რომ ზემოაღნიშნული ცვლილების საფუძველია, ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის უფროსის მოხსენებითი ბარათი (N 08-302319430), რომლის თანახმად ლანჩხუთის მუნიციპალიტეტმა საკადასტრო აგეგმვითი/აზომვითი სამუშაოების შესასრულებლად შეიძინა სპეციალური მოწყობილობები, ხოლო აღნიშნული სამუშაოების შედეგად მომზადებული დოკუმენტაცია უნდა დამოწმდეს შესაბამისი ბეჭდით.

იქედან გამომდინარე, რომ ამ დრომდე მუნიციპალიტეტს არ ჰქონდა შესაბამისი მოწყობილობა საკადასტრო აგეგმვითი/აზომვითი სამუშაოების შესასრულებლად, ლანჩხუთის მუნიციპალიტეტის მერიის ქონების მართვისა და სოფლის მეურნეობის სამსახურის დებულებით, სამსახურის ფუნქციათა შორის არ იყო გათვალისწინებული, როგორც საკადასტრო აგეგმვითი/აზომვითი სამუშაოების შესრულება, ასევე, სამსახურს არ ჰქონდა შესაბამისი ბეჭედი სამუშაოების შედეგად მომზადებული დოკუმენტაციის დასამოწმებლად. ზემოაღნიშნულის გათვალისწინებით, მიზანშეწონილია საკრებულომ განიხილოს და მიიღოს ლანჩხუთის მუნიციპალიტეტის მერიის ადმინისტრაციული და სამართლებრივი უზრუნველყოფის სამსახურის, სამართლებრივი უზრუნველყოფის განყოფილების მიერ მომზადებული შესაბამისი ნორმატიული აქტის პროექტი. პროექტის მიღება არ გამოიწვევს ადგილობრივი ბიუჯეტის შემოსავლების და ხარჯების ზრდას, რაც უკვე გათვალისწინებულია მუნიციპალიტეტის 2023 წლის ბიუჯეტის შესაბამის მუხლებში.

**სხდომის თავმჯდომარემ, კახაბერ ასკურავამ კენჭი უყარა დადგენილების პროექტს.**

**მომხრე 3; წინააღმდეგი არცერთი.**

**დღის წესრიგის მეოთხე საკითხი:** „ლანჩხუთის მუნიციპალიტეტის საკუთრებაში არსებული მოძრავი ქონების, შპს „ტურიზმისა და სოფლის მეურნეობის ხელშეწყობის ცენტრისთვის“ პირდაპირი განკარგვის წესით, სარგებლობის უფლებით უსასყიდლოდ გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომა გააცნო მერიის ქონების მართვისა და სოფლის მეურნეობის სამსახურის ქონების მართვისა და სოფლის მეურნეობის განყოფილების უფროსმა **ვარდენ კვაჭაძემ**. მან აღნიშნა, რომ ლანჩხუთის მუნიციპალიტეტის მერიას, წერილობით მომართა, ლანჩხუთის მუნიციპალიტეტის მიერ დაფუძნებულმა შპს „ტურიზმისა და სოფლის მეურნეობის ხელშეწყობის ცენტრის“ (ს/კ 433654397) დირექტორმა ეკატერინე ჩუბინაშვილმა, რომელმაც შპს-ს წესდებით გათვალისწინებული უფლებამოსილების განხორციელების მიზნით, მისი არსებობის ვადით, ითხოვა ლანჩხუთის მუნიციპალიტეტის ბალანსზე არსებული მოძრავი ქონების პირდაპირი განკარგვის წესით, სარგებლობის უფლებით გადაცემა.

**სხდომის თავმჯდომარემ, კახაბერ ასკურავამ კენჭი უყარა განკარგულების პროექტს.**

**მომხრე 3 წინააღმდეგი არცერთი.**

**დღის წესრიგის მეხუთე საკითხი:** „ლანჩხუთის მუნიციპალიტეტის საკუთრებაში არსებული ქონების, სს „სილქნეტისთვის“ (ს/კ 204566978) პირდაპირი განკარგვის წესით, სასყიდლიანი სარგებლობის უფლებით გადაცემაზე მერისათვის თანხმობის მიცემის შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომა გააცნო მერიის ქონების მართვისა და სოფლის მეურნეობის სამსახურის ქონების მართვისა და სოფლის მეურნეობის განყოფილების უფროსმა **ვარდენ კვაჭაძემ**. მან განმარტა, რომ საქართველოს მთავრობის 2014 წლის 8 დეკემბრის N 669 დადგენილების 22-ე მუხლის მე-2 და მე-4 პუნქტების თანახმად მუნიციპალიტეტის ქონების სარგებლობის უფლებით გადაცემა ხდება აუქციონის ფორმით ან პირდაპირი განკარგვის წესით. მუნიციპალიტეტის ქონების სარგებლობის უფლებით გადაცემის შესახებ, გადაწყვეტილებას იღებს მუნიციპალიტეტის აღმასრულებელი ორგანო მუნიციპალიტეტის საკრებულოს თანხმობით. პირდაპირი განკარგვის წესით მუნიციპალიტეტის ქონების სარგებლობის უფლებით გადაცემა შეიძლება სასყიდლიანი ან უსასყიდლოდ, ამავე დადგენილების 36 მუხლის მე-2 პუნქტის თანახმად, მუნიციპალიტეტის უძრავი ქონების პირდაპირი განკარგვის წესით, სარგებლობის უფლებით გადაცემისას, ქირის წლიური საფასურის ოდენობა განისაზღვრება მუნიციპალიტეტის აღმასრულებელი ორგანოს

მიერ, მუნიციპალიტეტის წარმომადგენლობითი ორგანოს თანხმობით.

ლანჩხუთის მუნიციპალიტეტს 2023 წლის 3 ივლისს N 531/14-6 წერილით მომართა (კანცელარიის N 10/302318555-30 - 04.07.2023 წ) სს „სილქნეტ“-ს (ს/კ 204566978) საოპერაციო მიმართულების დირექტორმა ვერა დუდუჩავამ, რომელშიც მოთხოვნილია ლანჩხუთის მუნიციპალიტეტის საკუთრებაში არსებული ქ. ლანჩხუთში, ჟორდანიას ქუჩაზე განთავსებულ 70 გარე განათების კონსტრუქციიდან (საყრდენი ბოძი) 45 ბოძის გადაცემა იჯარით, ოპტიკურ-ბოჭკოვანი კაბელის მონტაჟისათვის თანდართული სქემატური ნახაზის მიხედვით.

აქედან გამომდინარე, ლანჩხუთის მუნიციპალიტეტის ქონების მართვისა და სოფლის მეურნეობის სამსახურის მოსაზრებაა, სს „სილქნეტს“ გადაეცეს სარგებლობის უფლებით, პირდაპირი განკარგვის წესით, ლანჩხუთის მუნიციპალიტეტის საკუთრებაში არსებული ქ. ლანჩხუთში ჟორდანიას ქუჩაზე განთავსებულ 70 გარე განათების კონსტრუქციიდან (საყრდენი ბოძი) 45 გარე განათების ბოძის **ნაწილი - წერტილი** ოპტიკურ-ბოჭკოვანი კაბელის მონტაჟისათვის თანდართული სქემატური ნახაზის მიხედვით და წლიური საიჯარო ფასის ოდენობად განისაზღვროს თითოეული ბოძის ნაწილ-წერტილისათვის 5 ლარი, ხოლო ხელშეკრულების ვადად განისაზღვროს 5 წელი.

**სხდომის თავმჯდომარემ, კახაბერ ასკურავამ კენჭი უყარა განკარგულების პროექტს.**

**მომხრე 3; წინააღმდეგი არცერთი.**

**სხვადასხვა.**

1. კახაბერ ასკურავამ განაცხადა, რომ მალე სასწავლო პროცესი განახლდება ლანჩხუთის მუნიციპალიტეტის ა(ა)იპ „სკოლამდელი საგანმანათლებლო-სააღმწრდელო“ ცენტრში. ფრაქციის წევრების სურვილია ხელმძღვანელობისგან მოისმინონ ინფორმაცია, რამდენად მზადყოფნაა ახალი სასწავლო წლის დაწყებისთვის.

ნატა კობალავამ განაცხადა, რომ მიმდინარე წელს აშენდა ორი სტანდარტული საბავშვო ბაღი, სუფსაში და ხაჯალიაში, რომლებიც აღიჭურვება ახალი თანამედროვე ინვენტარით. ახალი საბავშვო ბაღი შენდება აკეთში და ნინოშვილში. სარემონტო სამუშაო ტარდება ქალაქის საბავშვო ბაღში. ამ დროისთვის მიმდინარეობს ბავშვების რეგისტრაცია, რომელიც 1 სექტემბრისთვის დასრულდება.

კახაბერ ასკურავამ განაცხადა, რომ ქალაქის ტერიტორიაზე აუცილებელია ახალი სტანდარტული საბავშვო ბაღის აშენება, რადგანაც არსებულში ბავშვთა კონტინგენტი დიდია.

გია გოგუაძემ გამოთქვა მოსაზრება, რომ აუცილებელია აღირიცხოს არასრულწლოვანი ბავშვები, რომლებიც მშობლებმა საზღვარგარეთ წაიყვანეს საცხოვრებლად.

გივი ცინცაძე დაინტერესდა, რომ მაღალმთიან სოფლებში, მაგალითად ჭანჭათში და აკეთში შესაძლებელია თუ არა დაინიშნოს ტრანსპორტი, რომელიც მოემსახურება საბავშვო ბაღის აღსაზრდელებს. ბევრი ოჯახია, რომელთაც არ აქვთ შესაძლებლობა სრულფასოვნად კვებონ ბავშვები და ამიტომ მათთვის აუცილებელია ატარონ ბაღში. ზამთარში შეუძლებელია ბავშვის მიყვანა ტრანსპორტის გარეშე.

ნატა კობალავამ განაცხადა, რომ აუცილებელია სტანდარტული ტრანსპორტი, რომლის შეძენის საშუალებაც დაწესებულებას არ აქვს და გაუმართავ ტრანსპორტზე პასუხისმგებლობას ვერ აიღებს.

კახაბერ ასკურავამ განაცხადა, რომ აუცილებლად ბიუჯეტის ფორმირების დროს

დააყენებენ წინადადებას, რომ ლანჩხუთის მუნიციპალიტეტის ყველა საბავშვო ბაღს მოემსახუროს ტრანსპორტი.

**2.** გიორგი გოგუაძე დაინტერესდა სოფელ ორაგვეში მიმდინარე პროექტის შესახებ. მან განაცხადა, რომ დაგეგმილია ზიპლაინის და ველობილიკის მოწყობა. არის თუ არა ყველა უსაფრთხოების ზომები დაცული.

ალეკო კირვალიძემ განაცხადა, რომ ამ ეტაპზე მიმდინარეობს მისი მოწყობა, დასრულების შემდგომ აუცილებლად შესაბამისი სამსახური დადებს დასკვნას.



### **პატივისცემით,**

კახაბერ ასკურავა

ლანჩხუთის მუნიციპალიტეტის საკრებულო-საკრებულოს ფრაქცია „ერთიანი ნაციონალური მოძრაობა“-საკრებულოს ფრაქცია "ერთიანი ნაციონალური მოძრაობა" თავმჯდომარე

ლანჩხუთის მუნიციპალიტეტის საკრებულოს ფრაქცია  
„ერთიანი ნაციონალური მოძრაობის“ წევრების

სარეგისტრაციო ფურცელი  
23.08.2023 წელი  
14.00 საათი

სახელი, გვარი	დაწყების დრო	ხელმოწერა
1. თავმჯდომარე – კახაბერ ასკურავა	14 <sup>00</sup>	
2. გიორგი გოგუაძე	14 <sup>00</sup>	
3. ირმა მგელაძე	—	sh ასწიქმოდ
4. გივი ცინცაძე	14 <sup>00</sup>	